

JARIDA LA TFF

MEI, 2020



Jikinga,
walinde wengine
na Covid19

YALIYOMO

Ujumbe wa Rais.....	3
Himid Mao: Mpira ndiyo kila kitu kwake.....	5
TFF Online Radio.....	6
Picha.....	7
Mabadiliko ya muda katika sheria na. 3.....	9
TFF yasajili 'watu kati' sita.....	10
Kozi, mafunzo baada ya Covid-19.....	13
TFF yawalilia Mwalusako, Dkt Tamba, Kampira.....	14
Grassroots.....	15

MAELEZO YA UCHAPAJI

Jarida hili huchapishwa kila Mwezi na Shirikisho la Mpira wa Miguu Tanzania (TFF)

Mhariri Mkuu:

Kidao Wilfred

Mhariri Habari:

Boniface Wambura

Mhariri Msaidizi:

Cliford Mario Ndimbo

Meneja Masoko:

Aaron Nyanda

Msanifu Kurasa:

Gabriel Johnson

Mpiga Picha:

Innocent Okama

Wachangiaji:

Adam Ngamba





Covid-19 ni funzo kubwa kwetu

Shirikisho la Mpira wa Miguu Tanzania (TFF) kwa kushirikiana na Bodi ya Ligi tumerejesha Ligi ili kukamilisha msimu wa 2019/2020 baada ya Mamlaka za Serikali kutoa ruhusa.

Kama tulivyosisitiza tangu awali, Afya ni kitu cha kwanza kwetu. Hivyo, uamuzi wa kurejesha Ligi umezingatia maelekezo ya Serikali, kwani ndiyo yenye wataalamu wanaofanya tathmini ya virusi vya corona vinasababisha ugonjwa wa Covid-19..

Hili ni janga baya kuwahi kutokea duniani katika miongo kadhaa, hivyo kusababisha jamii kubadilisha utaratibu wa kawaida wa maisha.

Bado tunasisitiza Wanachama wetu na Wadau wa mpira wa miguu kwa ujumla kuendelea kufuata maelekezo ya jinsi ya kujikinga na ugonjwa wa Covid-19 ambao ulitangazwa na Shirika la Afya Duniani (WHO) kuwa janga la kidunia.

Tunawapongeza wahudumu kwa afya kwa kazi nzito wanayofanya ya kuhudumia wagonjwa wa Covid-19. Ni wazi kuwa bila juhudi zao athari zinazotokana na ugonjwa huu zingekuwa kubwa.

Ni matarajio yangu kuwa janga hili litapita, hivyo ni wakati vilevile wa timu zinazocheza Ligi pamoja na wadau wengine kuzingatia maelekezo yote yaliyotolewa na Serikali wakati mechi zinaendelea. Mechi za Ligi zote, Ligi Kuu ya Vodacom, Kombe la Shirikisho la Azam Sports, Ligi Daraja la Kwanza, na Ligi Daraja la Pili zitachezwa bila washabiki.

Licha ya janga hili kuwa changamoto katika mpira wa miguu, lakini limetupa funzo. Hivyo, tutazifanyia marekebisho kanuni zetu baada ya msimu kumalizika ili linapotokea tatizo kama hili zitoe mwongozo.

Mwito wangu kwa wadau wa mpira wa miguu ni kuwa mara muda wa kutoa maoni kuhusu kanuni zetu utakapotangazwa, wadau mjitokeze kutoa mapendekezo yenu kwa nia ya kuboresha kanuni zilizopo.

TFF kwa nafasi yetu na kushirikiana na wadau wengine tutaendelea kutoa elimu ya jinsi ya kujikinga na virusi vya corona, kwani kinga ni bora kuliko tiba.

Jikinge, wakinge wengine na Covid-19

WALLACE J. KARIA

4G

Karibu upate mawasiliano supa wakati wowote, mahali popote.

Yajayo yanafurahisha.

Uko tayari?



Mambo supa ni ya mtandao supa pekee



Life's a breeze on

[Red RLX]



Piga
*149*01*
chagua
Red

Lipa kwa M-Pesa



Lipa kutoka mitandao yote na benki

Hapa malipo ndio nyumbani



Kweli, Pesa ni M-Pesa.

Yajayo yanafurahisha

Uko tayari?



PINDUA PINDUA UNITS

Pata uhuru wa kutumia Dakika na MB kivyovyote



*Piga na M-Pesa kwenye

100 Milioni

Ni mwendo wa mamillioni Deile

Bado wewe tu, tuma neno V kwenda 15544.



HIMID MAO: MPIRA NDIYO KILA KITU KWAKE



Himid Mao ni miongoni mwa wachezaji wa Tanzania ambao janga la virusi vya corona vinavyosababisha ugonjwa wa Covid-19 limewakuta wakiwa nje ya nchi wakicheza mpira wa miguu. Mao ni kiungo wa timu ya ENPPI iliyoko Ligi Kuu ya Misri.

Anasema corona imeharibu ratiba nzima ya mapumziko yake, kwani msimu uliopita hakupata muda wa kutosha kutokana na Fainali za Afrika (AFCON) lakini pia ligi kwa ujumla.

“Kama sasa hivi tulikuwa tunakaribia kumaliza ligi, lakini janga la corona limevuruga ratiba. Mwito wangu kwa wachezaji wa Tanzania ni kujitahidi kipindi hiki kuendelea na mazoezi binafsi na kujilinda wao pamoja na watu

wao wa karibu. Tutumie ushawishi wetu kuifanya jamii ijitambue ili ipambane na ugonjwa huu,” anasema.

Akizungumzia maendeleo yake Misri, Mao anasema ni mazuri tangu amefika nchini humo, na amekuwa mchezaji wa kikosi cha kwanza katika timu zote mbili alizocheza, ambalo ni jambo la msingi katika maisha yake ya kucheza mpira wa miguu.

Agosti 2019 alisaini mkataba wa miaka miwili katika klabu ya ENPPI. Kabla ya kujiunga na ENPPI, alicheza kwa msimu mmoja katika Ligi Kuu ya Misri akiwa na klabu ya Petrojet. Aliondoka Petrojet huku mkataba wake ukiwa umebakiza miaka miwili baada ya kupata ofa nzuri ENPPI.

Je, Ligi Kuu ya Misri itarejea au itafutwa? “Bado tunasubiri uamuzi wa Serikali, lakini kuna klabu sita za chini kwenye msimamo zinataka msimu ufutwe. Wizara ya Afya, na Wizara ya Michezo walisema shughuli za michezo zinaweza kurudi Juni Mosi kama hali itakuwa nzuri,” anasema.

Mao ambaye yuko chini ya Wakala Paul Mitchell wa kampuni ya Siyavuma Sports Group ya Afrika Kusini inayofanya kazi pia na Base Soccer ya Uingereza, anasema anapenda mpira, na maisha yake yote ameishi katika mpira. Kwa hiyo kila kitu chake hata atakapostaafu baadaye kwa asilimia kubwa kitakuwa kwenye mpira, hasa kusaidia vijana wadogo.

Akizungumzia maendeleo ya mpira wa miguu nchini Tanzania, anasema: “Nadhani ni mazuri, nimeona timu za Taifa zimepata ushiriki wa mashindano makubwa ya Afrika. Hiyo ni hatua kubwa na nzuri.”

Mao ambaye ni mtoto wa kiungo wa zamani wa Pamba SC, Mao Mkami ‘Ball Dancer’ aliitwa kwa mara ya kwanza Taifa Stars mwaka 2009, lakini alicheza mechi yake ya kwanza katika timu hiyo mwaka 2013.

Anasema tukio la mpira wa miguu ambalo analikumbuka katika maisha yake ni Taifa Stars kufuzu fainali za AFCON zilizofanyika 2019 nchini Misri, na yeye akiwa sehemu ya timu hiyo.

Mao ambaye mkataba wake katika klabu ya ENPPI unamalizika Juni 2022 anawataja wachezaji Amri Kiemba na Athuman Idd Chuji kuwa ndiyo waliomvutia na kutaka kucheza kama wao.

TFF ONLINE RADIO YAINGIA HEWANI



**SHIRIKISHO LA MPIRA
WA MIGUU TANZANIA**

Shirikisho la Mpira wa Miguu Tanzania (TFF) limefungia redio ya mtandaoni inayopatikana kupitia tovuti yake ya www.tff.or.tz au link ya <http://mixlr.com/tffonlineradio>

Redia imepata Leseni ya Mamlaka ya Udhhibiti wa Mawasiliano Tanzania (TCRA), na Machi 8, 2020 ilitangaza mechi ya Ligi Kuu ya Vodacom kati ya Yanga na Simba iliyochezwa Uwanja wa Taifa, Dar es Salaam.

Akizungumzia hatua hiyo, Mkurugenzi wa Habari na Masoko wa TFF, Boniface Wambura amesema lengo la redio hiyo kuupasha habari umma kuhusu shughuli za maendeleo ya mpira wa miguu zinazofanywa na Shirikisho pamoja na wadau wake.

Amesema michakato mingine ya ndani bado inaendelea ikiwemo kupanga program ili itakapoanza rasmi, wadau wapate fursa ya kufuatilia mbalimbali ya TFF, na lengo kubwa ikiwa ni maendeleo ya mpira wa miguu.





azamtv

azam SPORTS HD



Ma **Millioni** Kila Siku



**ZAWADI
KUBWA**

Magari **3** Mpya



*Vigezo na masharti kunzingatiwa

MABADILIKO YA MUDA KATIKA SHERIA NA. 3



Katika mashindano ambapo kanuni zinaruhusu mabadiliko ya ziada ya wachezaji wakati wa muda wa ziada, kila timu itapewa nafasi moja ya ziada ya kufanya mabadiliko hayo, na mabadiliko hayo yatafanyika kabla ya kuanza kwa mchezo katika muda wa ziada au wakati wa mapumziko ya mchezo katika muda wa ziada.

Mashindano/Ligi ya/za mpira wa miguu ambayo/ambazo yameathiriwa/zimeathiriwa na janga la VIRUSI VYA CORONA yatakaporejea/anza tena, ili kuondoa tatizo kwa mashindano yatakayofuata michezo inaweza kuchezwa kwa msongomano mkubwa/kufuatana sana/mfululizo na katika hali ya hewa tofauti tofauti ili kukabiliana na hili.

IKUMBUKWE: Mchezaji aliyefanyiwa mabadiliko hataruhusiwa kurudi tena kiwanjani kwa michezo ya watu wazima.

Yote haya yanaweza kusababisha athari katika ustawi/afya/maisha ya mchezaji, Bodi ya Kimataifa ya Mpira wa Miguu (IFAB) imepitisha mapendekezo ya Shirikisho la Kimataifa la Mpira wa Miguu (FIFA) la kuwa na mabadiliko kwa muda katika SHERIA NA. 3 inayohusu nah ii ni kuhusiana na idadi ya juu ya wachezaji watakaofanyiwa mabadiliko katika mchezo, kwa mashindano yaliyopangwa kumalizika mwaka 2020, yawe yameanza ama hayajaanza. Waandaaji/wasimamizi wa mashindano wanaweza kukubali au kutokubaliana na haya mabadiliko ya muda ya sheria namba 3, lakini Bodi ya Kimataifa ya Mpira wa Miguu (IFAB) pamoja na Shirikisho la kimataifa la mpira wa miguu (FIFA) wataangalia kwa baadaye kama waendeleo kuwaruhusu waandaaji/wasimamizi wa mashindano kuchagua kuyatumia au kutoyatumia mabadiliko haya ya sheria namba 3 mpaka mwaka 2021.



SHERIA NAMBA 3- WACHEZAJI-(MABADILIKO YA MUDA)

- Kila timu itaruhusiwa kuwatumia wachezaji wa akiba mpaka watano.
- Ili kupunguza usumbufu katika mwenendo wa mchezo kila timu itaruhusiwa kufanya mabadiliko mara tatu tu wakati wa mchezo, mabadiliko yanaweza pia kufanyika wakati wa mapumziko.
- Kama timu zote zitafanya Mabadiliko kwa wakati mmoja basi itahesabika kwamba kila timu imetumia nafasi moja kati ya zile tatu ambazo kila timu inazo.
- Nafasi za kufanya Mabadiliko na mabadiliko ambayo hayakutumiwa katika muda wa kawaida wa mchezo, yanaweza kutumika katika muda wa nyongeza.

TFF YASAJILI 'WATU KATI' SITA

Shirikisho la Mpira wa Miguu Tanzania (TFF) limesajili watu kati (intermediaries) sita kwa ajili ya kufanya shughuli za mpira wa miguu kwa niaba ya wachezaji na klabu.

Kwa mujibu wa Kanuni ya Intermediary ya TFF, ni watu kati waliosajiliwa tu ndiyo wanaoweza kufanya shughuli za mtu kati ikihusisha klabu na wachezaji.

Watu kati waliosajiliwa hadi sasa ni Abdulrahman M.S. Afif wa Play Soccer Sports Management Limited, Ibrahim Mohamed Said wa Shadaka Sports Management, na Kambi Zuberi Seif.

Wengine ni Peter Peter Simon kutoka Afrisoccer Consulting Limited, Afif Hassan Afif wa Play Soccer Sports Management Limited, na Erick Kelvin Magadula.

Watu wote wanaotaka kufanya shughuli za mtu kati kwa niaba ya wachezaji au klabu wanatakiwa kuwasiliana na TFF.



Abdulrahman AFIF
**Play Soccer Sports
Management Limited**



Ibrahim Mohamed
**Shadaka Sports
Management**



Kambi Zuberi



Peter Simon
**Afrisoccer
Consulting Limited**



Afif Hassan Afif
**Play Soccer Sports
Management Limited**



Erick Kelvin Magadula (Advocate)
Feel Pro (T) Limited



BANK

Pakua



**Na ufanye
miamala yako**

 Saa 24

 Mahali popote

Inapatikana kutoka



www.kcbbank.co.tz



Utangulizi

Homa kali ya mapafu inayosababishwa na Virusi vya Corona ni ugonjwa unaoambukizwa kwa kuingiwa na majimaji yatokayo kwenye njia ya hewa wakati mtu mwenye ugonjwa huu anapokohoa au kupiga chafya.

Njia nyingine ya maambukizi ni kwa kugusa majimaji yanayotoka puani (kamasii), kugusa vitambaa au nguo zilizotumiwa na mtu mwenye maambukizi ya ugonjwa huu, au maeneo mengine yaliyoguswa na mtu mwenye Virusi vya ugonjwa huu.

DALILI ZA HOMA YA CORONA



Homa



Kikohozi



Kubanwa mbavu na kupumua kwa shida



Vidonda kooni



Kuumwa kichwa



Mwili Kuchoka

Matibabu

Ugonjwa huu hauna chanjo wala tiba ya moja kwa moja, hivyo kama yalivyo magonjwa mengine inayosababishwa na virusi, matibabu hufanyika kwa kuzingatia dalili zilizopo na ufuatiliaji wa karibu.

Jinsi ya kujikinga na homa ya Virusi vya Corona

- Kaa umbali wa angalau zaidi ya mita 1 kati yako na mtu mwingine
- Funika mdomo na pua wakati wa kukohoa au kupiga chafya kwa kutumia kitambaa safi au sehemu ya mbele ya kiwiko cha mkono
- Epuka kusalimiana kwa kushikana mikono, kukumbatiana au kubusiana
- Epuka kujigusa macho, pua au mdomo
- Epuka matembezi au safari zisizo za lazima
- Epuka misongamano
- Safisha mikono yako mara kwa mara kwa maji tiririka na sabuni au tumia vitakasa mikono (sanitizer)
- Ukiona dalili za ugonjwa huu, wahi kituo cha huduma za afya
- Vile vile toa tarifa kwenye kituo cha huduma za afya uonapo mtu mwenye dalili za ugonjwa huu au piga simu namba: 199 au *199# Huduma hii ni bure kwa mitandao yote



KOZI, MAFUNZO KUENDELEA BAADA YA COVID-19



Mkurugenzi wa Ufundi wa Shirikisho la Mpira wa Miguu Tanzania (TFF), Oscar Mirambo amesema kuna athari za kiufundi zinazoweza kutokea kutokana na uwepo wa ugonjwa wa Covid-19.

Amesema kuwa kuna athari nyingi za kiufundi na za kawaida ambazo mtu yeyote anaweza kuzitambua, kwani wachezaji kukaa nje ya uwanja kwa miezi karibu mitatu ni muda mrefu ambapo kwa namna moja ama nyingine watakuwa wameathrika kwa kiwango kikubwa licha ya kila mmoja kufanya mazoezi kivyake (isolation).

Mirambo amesema ili mchezaji awe fiti katika kutimiza majukumu yake uwanjani apaswavyo, mambo matano ni muhimu yahusike. Moja likiwa ni utimamu wa mwili ambalo hutegemea zaidi mchezaji kudumu katika mazoezi.

Jambo la pili ni ufundi, tatu ni mbinu za uwanjani, nne ni saikolojia ya wachezaji ambayo mara nyingi hujengwa na mwalimu wakati anapokuwa nao wote huku suala la tano likiwa ni lile la kijamii.

Mkurugenzi huyo amesema kwa kuwa mpira unahusisha timu nzima kama jamii ya watu wa kada au timu fulani na si mchezaji mmoja mmoja; kukosekana kwa umoja huo ni pengo na athari kiufundi.

Kwa upande wa kozi za ukocha na mafunzo ya waamuzi, Mkurugenzi huyo amesema kuwa zitaendelea kama kawaida pale Serikali itakapotamka rasmi kuendelea kwa shughuli za michezo nchini.

Mirambo aliongeza kuwa TFF imejipanga vizuri kufidia muda uliopotea katika mapunziko hayo yasiyo rasmi ambayo tayari yamechukuwa karibu miezi mitatu.

Kwa upande wa mafunzo ya waamuzi amesema programu zao hutolewa kulingana na Kalenda ya FIFA.



TFF YAWALILIA MWALUSAKO, DKT TAMBA, KAMPIRA

Rais wa Shirikisho la Mpira wa Miguu Tanzania (TFF), Wallace Karia amesema vifo vya wachezaji wa zamani, Mohamed Kampira wa Coastal Union FC, Lawrence Mwalusako wa Yanga na aliyekuwa mdau mkubwa wa mpira wa miguu wa wanawake, Dkt. Maneno Tamba vimeacha kumbukumbu kubwa ya mambo waliyoyafanya katika mpira wa miguu.

Amesema Kampira, Mwalusako na Tamba walikuwa ni wana familia ya mpira wa miguu kwa vitendo kwa vile walisaidia maendeleo ya mpira wa miguu, hivyo hawatasahaulika kutokana na kuacha alama nzuri.

Enzi za uhai wake, Kampira mbali ya kucheza mpira wa miguu kama mshambuliaji wa pembeni katika timu ya Taifa (Taifa Stars), timu ya Mkoa wa Tanga (Tanga Stars) na Coastal Union FC, lakini vilevile alikuwa kocha wa mpira wa miguu ambapo amefundisha klabu mbalimbali za mkoani Tanga.

Mwalusako licha ya kuchezea Yanga na Taifa Stars, lakini baadaye alikuwa Katibu Mkuu wa klabu hiyo.

Naye Dkt Tamba atakumbukwa kama mmoja wa waasisi wa mpira wa miguu wa wanawake ambapo enzi za uhai wake alikuwa mmiliki wa Mburahati Queens ambayo ni moja ya timu za mwanzo katika Mkoa wa Dar es Salaam.

Pia aliwahi kuwa mjumbe wa Kamati ya Mpira wa Miguu wa Wanawake ya TFF, na hadi umauti unamkuta alikuwa Mwenyekiti wa Chama cha Mpira wa Miguu Mkoa wa Dar es Salaam.

Mungu azilaze roho za marehemu Mohamed Kampira, Lawrence Mwalusako na Dkt Maneno Tamba mahala pema peponi, Amina.



Grassroots yawaibua Kabwili, John



Programu ya grassroots ni moja ya mkakati wa Shirikisho la Mpira wa Miguu Tanzania (TFF) kukuza na kuendeleza mpira wa miguu nchini.

Mkurugenzi wa Ufundi wa TFF, Oscar Mirambo amesema programu hizo muhimu zilikuwa zifanyike katika kila mkoa kama ilivyo kuwa kwa miaka iliyopita, lakini zimesimama kutokana na changamoto ya uwanja wa Covid-19 unaosababishwa na virusi vya corona.

Mwaka 2019 programu hizo zilifanyika katika mikoa ya Pwani, Iringa, Lindi, Mbeya, Rukwa, Kigoma na kisiwani Zanzibar. Ratiba ya kuendelea na programu hizo kwa mwaka huu bado haijafanyika mpaka sasa kutokana na maradhi ya Covid-19.

Mkurugenzi huyo amesema mara tu baada ya michezo kuruhusiwa, utaratibu wa programu za grassroots utaendelea kama kawaida na utakuwa kwa kasi kubwa zaidi.

Ametoa ufafanuzi kuhusu umri wa vijana ambao wanahusika katika programu hizi za 'grassroots' kuwa ni kuanzia miaka 6 hadi 12 ambapo kwa umri huo ni wazi kabisa kuwa programu zimekuwa zikitoa fursa zaidi kwa wanafuzi wa shule za msingi na sekondari.

Amesema baadhi ya mafanikio ya TFF kupitia idara yake hasa katika programu za grassroots zimewaibua vijana wengi viwango bora vya mpira wa miguu kama akina Kelvin John, Ramadhan Kabwili, na Yohana Nkomola na wengine wengi.

Vijana hao wamekuwa wakitumiwa kuunda vikosi vya timu za taifa za vijana wenye umri chini ya miaka 17 (Serengeti Boys), chini ya miaka 20 (Ngorongoro Heroes) na nyinginezo, zikiwemo pia za wasichana.

Ugonjwa wa Covid-19 unaoenezwa na virusi vya corona ulianza katika Mji wa Wuhan nchini China mwishoni mwa mwaka jana, na kusambaa katika mataifa ya Ulaya, Marekani na Uarabuni, na baadaye kuingia katika nchi za Afrika.

Ugonjwa huu umeitisha dunia na kusababisha kusimamishwa kwa shughuli na michezo mbalimbali duniani ikiwa ni pamoja na soka; mchezo wenye mashabiki wengi zaidi duniani.

Kufuatia kuibuka kwa ugonjwa huo, TFF kwa kujali na kuzilinda afya za wafanyakazi, wachezaji, wadau mbalimbali na wananchi wote kwa ujumla ulisitisha mashindano yote.

Hata hivyo, TFF haikusitisha shughuli zake za kiofisi, na badala yake imebadili mfumo wa utendaji wake kwa kutoa ruhusa kwa wafanyakazi wake, kufanyia kazi wakiwa nyumbani (work from home).

Hata hivyo, shughuli za mpira wa miguu zinaweza kurejea wakati baada ya kukamilika kwa tathmini ya ugonjwa huo inayofanywa na wataalamu. "Tujifunze kuishi kwa kutarajia yasiyotarajiwa," anaitimisha Mkurugenzi wa Ufundi wa TFF.





**SHIRIKISHO LA MPIRA
WA MIGUU TANZANIA**

Karume Memorial Stadium/Shaurimoyo Road
P.O.Box 1574, Dar es Salaam - Tanzania
Telephone: +255 22 2182032 Fax: +255 22 2182031
Email: tanfootball@tff.or.tz Website: www.tff.or.tz